

ՈՐՈՄՆԵՐ ՑՈՐԵՆԻ ՄԵՋ

ՍՈՒՐԲԳՐԱՅԻՆ ՀԱՏՎԱԾ. ՄԱՏԹԵՈՍ 13:24-30, 36-43

Մատթեոս 13:34-35 – 34 Այս ամենը Հիսուսը ժողովրդին առականերով խոսեց. նրանց հետ առանց առակի չէր խոսում, 35 որպեսզի իրականանար մարգարեի միջոցով ասվածը. Առականերով կբացեմ իմ բերանը, կբացահայտեմ աշխարհի սկզբից ի վեր ծածկված բաները (Սաղ. 78.2):

24 Հիսուսը նրանց մեկ այլ առակ էլ պատմեց ու ասաց. Երկնքի արքայությունը նման է մի մարդու, որն իր արտում լավ սերմ ցանեց: 25 Երբ մարդիկ քնած էին, նրա թշնամին եկավ և ցորենի մեջ որոմ (կեղծ սերմ) ցանեց ու գնաց: 26 Երբ խոտը բուսանեց ու պտուղ տվեց, երևաց նաև որոմը: 27 Տանտիրոջ ծառաները մոտեցան նրան և ասացին. Տե՛ր, չէ՞ որ արտիդ մեջ լավ սերմ ցանեցիր: Ուրեմն այդ որոմը որտեղից է: 28 Իսկ նա ասաց նրանց. Թշնամի մարդն է դա արել: Ծառաները նրան ասացին. Հիմա ուզում ես՝ գնանք, դրանք քաղհանենք: 29 Նա ասաց. Ո՛հ, որոմը քաղելիս միգուցե ցորենն էլ դրանց հետ արմատախիլ անեք: 30 Թողե՛ք, որ մինչև հունձքը երկուսը միասին աճեն, և հունձքի ժամանակ հնձողներին կասեմ. Նախ որոմը քաղեք ու խրձեր կապեք այրելու համար, իսկ ցորենը հավաքեք իմ շտեմարանի մեջ:

Մանանելի հատիկի և թթխմորի առակը

36 Այդ ժամանակ Հիսուսը թողեց ժողովրդին և տուն եկավ: Աշակերտները մոտեցան նրան ու ասացին. Մեկնիր մեզ արտի որոմների առակը: 37 Նա պատասխանեց ու նրանց ասաց.

- (1) Լավ սերմը ցանողը Մարդու Որդին է,
- (2) 38 իսկ արտն աշխարհն է (այլ ոչ թե եկեղեցին):
- (3) Լավ սերմը նրանք են, որոնք արքայության որդիներն են,
- (4) իսկ որոմը չարի որդիներն են:
- (5) 39 Թշնամին, որ այն սերմանեց, սատանան է,
- (6) հունձքն էլ աշխարհի վերջն է, իսկ հնձողները հրեշտակներն են:
- (7) 40 Արդ, ինչպես որոմը հավաքում են ու կրակով այրում, այնպես էլ աշխարհի վերջում էլ լինելու:

41 Մարդու Որդին կուղարկի իր հրեշտակներին, որոնք կհավաքեն նրա արքայությունից բոլոր գայթակղություններն ու անօրենություններ գործողներին 42 և նրանց կզգեն կրակի հնոցը. այնտեղ կլինի լաց և ատամների կրճտոց: 43 Այդ ժամանակ արդարները արեգակի պես կփայլեն իրենց Հոր արքայության մեջ: Ով որ լսելու ականջ ունի, թող լսի:

1. ԵՐԿՈՒՄՆ ԷԼ ՏՆԿԿԵԼ ԷԻՆ ՄԻԱԺԱՄԱՆԱԿ և ԱՃԵԼ ՄԻԱՍԻՆ:

Ա Կոր. 3:9 – Որովհետև մենք Աստծու գործակիցներ ենք, դուք՝ Աստծու մշակության դաշտը, Աստծու շինությունը:

- **Ցորենի գործերը պտղաբեր են:** (Որովհետև ցորենը մեռնելու հատկություն ունի)

Յոզ. 12:24 - Ճշմարիտ ճշմարիտ ասում եմ ձեզ. եթե ցորենի հատը հողի մէջ չընկնի եւ մեռնի, ինքը մինակ կմնա. բայց եթե մեռնի, շատ պտուղ կբերէ:

Պողոս առաքյալն ասում է «ես ամեն օր մեռնում եմ» — (Ա Կոր. 15:31, Ղուկաս 9:23)

- **Որո՞նք ցորենի արտաքին տեսքն ունի:**

Բ Տիմոթեոս 3:5 – Նրանք արտաքրուստ աստվածապաշտ են, բայց աստվածապաշտության զորությունն ուրացել են. նրանցից խուսափիր:

- **Որո՞մի ցուցաբերած գործը հետևյալն է՝**

41 Մարդու Որդին կուղարկի իր հրեշտակներին, որոնք կհավաքեն նրա արքայությունից բոլոր **գայթակղություններն** ու **անօրենություններ** գործողներին...

Ղուկաս 17:1-3 – Հիսուսն ասաց իր աշակերտներին. Անկարելի է, որ գայթակղություններ չգան, բայց վա՛յ նրան, ում միջոցով կգան: Նրա համար ավելի լավ է, եթե իր պարանոցից մի երկանաքար կախվի, ու ծովը զցվի, քան թե այս փոքրերից մեկին գայթակղեցնի: Ձեր անձերի համար զգուշացեք:

Գործք Առաքելոց 20:29-30 – Ես գիտեմ, որ իմ հեռանալուց հետո ձեր մեջ հափշտակող գայլեր կգան, որոնք հոտին չեն խնայի: Իսկ ձեր միջից դուրս կգան մարդիկ, որոնք թյուր բաներ կխոսեն, որպեսզի աշակերտներին իրենց հետևից տանեն:

Նրանց խղճմտանքը տաղուած է.

1 Տիմ. 4:1-2 - 1 Եւ Յոզիւն հայտնի ասում է թէ վերջին ժամանակներում ոմանք հավատքից կ'հեռանան... 2 որոնց խղճմտանքը տաղուած է.

Ա Տիմոթեոսին 1:18-20 – 18 Որդյա՛կ իմ, Տիմոթեո՛ս, այս պատվերը ավանդում եմ քեզ՝ համաձայն սկզբից քեզ համար եղած մարգարեությունների, որպեսզի դրանցով մղես բարի պատերազմը՝ 19 ունենալով հավատ ու բարի խղճմտանք, որը ոմանք մերժեցին և հավատի մեջ նավաբեկության ենթարկվեցին: 20

Դրանցից են Յիմենետսն ու Ալեքսանդրոսը, որոնց սատանային մատնեցի,
որպեսզի սովորեն չհայհոյել:

2. ԵՐԿՈՒՍԸ ՄԻԱՍԻՆ ՀԱՍԱԿ ԱՌԱՆ, ՍԱԿԱՅՆ.

- **Որոմներն այրեցին, իսկ ցորենը՝ ամբարեցին/հավաքեցին:**

Նախ որոմը քաղեք ու խրձեր կապեք այրելու համար, իսկ ցորենը հավաքե՛ք իմ
շտեմարանի մեջ:

Հայ. 18:4 - 4 Եւ մի ուրիշ ձայն լսեցի երկնքիցը որ ասում էր. Դուրս եկէք դորանից,
ով իմ ժողովուրդ, որ մասնակից չ'լինիք դորա մեղքերին, եւ որ դորա
պատուհասից չ'ընդունեք.

- **Երեք բան, որ մենք պետք է անենք այսօր.**

1. Որն է դաշտում իմ զբաղեցրած տեղի կարևորությունը/նշանակությունը:

2. Հասկանալ, որ անհնար է այս աշխարհը փոխել:

«Աստված ինձ չի կանչել լճակը մաքրելու. Նա ինձ կանչել է, որ այնտեղից ձուկ
որսամ/բռնեմ»: - Զ. Վերնոն Մըկգի

3. Խնդրել Սուրբ Հոգուն մաքրի մեզ մեր կյանքի որոմներից:

Կող. 2:6-7 - 6 Ուրեմն ինչպես ընդունեցիք Քրիստոս Յիսուսին՝ Տիրոջը, նրանով էլ
ընթացե՛ք. 7 Արմատավորված և նրանով շինված, հավատի մեջ հաստատված,
ինչպես որ սովորեցիք, և դրա մեջ աճե՛ք գոհություն հայտնելով:

Եբր. 12:15 - 15 Զգույշ եղե՛ք՝ որևէ մեկն Աստծու շնորհից չզրկվի. դառնության
արմատ թող չաճի ու ոչ ոքի թող նեղություն չտա, և դրանով շատերը չպղծվե.

ԻՆՉ Է ՍՈՒՐԲ ՀՈԳԻՆ ԱՍՈՒՄ ԻՆՁ ԱՅՍ ՊԱՏԳԱՄԻ ՄԻՋՈՑՈՎ: